

Biatah - Pinyiramat Surat-kudus - Salvation Scriptures

Ephesus 2:2 Nganü angān kadüg aran pimudip ong adi sarah; angān bituan di pinguasa roh roh adi arap di rangit ngga di ong, anü inüh roh adi nguasa daya adi nyibireu pinganang Tapa.

Matthew 6:10 Kaam inüh adi raja ami. Isa-i Kaam mritah di ong, ka isa-i pinyiraan Mai jadi di ong nimun di shorga.

Luke 22:42 “Sama,” Ayüh nang, “kambüi Kaam raan, tambit makuk jera-birasa ati so Aku. Sunggu münü dühnyah nurut pinyiraan Ku, pak ndai adü pinyiraan Mai.”

John 16:7-9 Pak Aku kidaan di angān kayuh adi sawü: mbüh kana di angān inüh Aku bu, sabab kambüi Aku düh bu, Pinurung düh re mandüg ka angān. Pak kambüi Aku bu, Aku re pait Ayüh ka angān. 8 Jadi kan Ayüh mbüh mandüg, Ayüh re kiren di bara daya di ong nang ngara mbüh sarah pasar dosa, pasar kayuh adi batur, ka pasar ukum Tapa. 9 Ngara mbüh sarah di pinyipuan pasar dosa, sabab ngara düh sabah di Aku;

2 Timothy 2:10 Ngapüi aku nyijün sopürüg-i yün kana bara daya adi Tapa mbüh mien, siün ngara dapüd pinyiramat adi mandüg so ka Kristus Jesus samah ngga bragah adi tan adu adu.

Rome 15:20,21 Kayuh adi aku raru raan inüh piagah Agah Kana di barang yün di yün Kristus gibayuh dog dingah, sabab aku düh an pijog kraja ku di tunduh pinagap-rasan adi daya bükün ko na. 21 Sak adi nang Surat-kudus, “Daya adi bün dog kidaan pasar Ayüh re kiris, ka daya adi gibayuh dingah re mirati.”

Pingandai 2:36,37 “Sopürüg daya Israel patut puan ngga tatu-i Jesus ati, adi angān masak di atuh rigang, inüh sianü adi Tapa mbüh bada jadi Tuhan ka Kristus!” 37 Kan bara daya dingah anü, ngara mbüh raru bipito buang nang di Peter samün di bara pinyuruh adi bükün, “Dingan, ani patut ami ndai?”

Hebrew 4:2 Amai ata mbüh dingah Agah Kana anü, mun ngara güh. Ngara dingah agah anü, pak-i düh biguna yün ngara, sabab kan ngara dingah-i, ngara düh kambat-i ngga pinyabah.

Jeremiah 24:7 Aku re nggen di ngara pinyiraan an puan nang Aku ati TUHAN. Komünü ngara re jadi daya Ku, ka Aku re jadi Tapa ngara, sabab ngara re pari ka Aku ngga siabo atin ngara.

Pingandai 16:14 Ndi so ngara adi dingah kieh inüh Lydia so Thyatira, adi

tukang jua banang adi bēng. Ayūh inūh dayung adi nyambah Tapa, ka Tuhan mbūh kuka atin-i da dingah buang sabah kayuh adi Paul nang. **Matthew 13:14,15** Jadi pinganang-binabi Isaia mbūh jadi bitūtūk pasar ngara: ‘Daya ati dingah ka dingah, pak dūh-i mirati; ngara tingga ka tingga, pak dūh-i kiris, 15 sabab pikir ngara madūd, ka ngara mbūh mapot kajit-ibuang mbūh nutu batūh-i. Kambūi dūh simūnū, batūh ngara kiris, kajit ngara dingah, pikir ngara mirati, ka ngara an pari ka Aku, Tapa nang, ka Aku pibua ngara.’

Isaiah 6:9,10 Jadi Ayūh bada aku di ngen pinganang ati di daya bagū: “Munki masam angān bandar bandar nyiringa, angān dūh re mirati. Munki masam angān bandar bandar tingga, angān dūh re tungang puan ani adi mbūh jadi” 10 Komūnū ayūh nang di aku, “Bada pikir bara daya ati madūd, kajit ngara bangam, ka batūh ngara karak, isa ngara dūh dapūd kiris, bait dingah, puan kah mirati. Kambūi dūh simūnū, ngara re pari ka Aku, ka dapūd bua.”

Mark 4:11,12 “Angān dog ngen kuasa ngga mirati rusia pasar munki Tapa mritah,” Jesus nam ngara. “Pak ngara adi bükūn, adi dūh so tibarangan, dingah sopūrūg kayuh pakai upama, 12 isa, ‘Ngara bisa tingga ka tingga, pak dūh kiris; ngara bisa dingah ka dingah, pak dūh mirati. Amai kambūi dūh, ngara an pari ka Tapa, ka Tapa apun ngara.’”

John 12:39,40 Ka sawū ngara dūh tungang sabah amai Isaia agi gūh nang, 40 “Tapa mbūh kinarūm batūh ngara, ka mbūh bada atūk ngara madūd; isa batūh ngara dūh kiris, ka atūk ngara dūh mirati, ka ngara dūh tudu Aku, mite Aku pibua ngara, Tuhan nang”

Rome 11:7,8 Ani meh? Daya Israel mating dapūd kayuh adi ngara jiroh. Adū-i tibarangan adi siit adi Tapa mbūh mien adi dapūd kayuh anū; adi bükūn mbūh bangam di pinyibangan Tapa. 8 Sak adi nang Surat-kudus, “Tapa mbūh bada pikir ngga atin ngara padūd; ndūg andu ati ngara dūh kiris bait dingah.”

2 Thessalonica 2:10,11 buang pakai barang masam tipu di tunduh ngara adi re rarap. Ngara re rarap sabab ngara dūh kambat bait rindu di agah adi sawū so Tapa adi so ngara bisa dog nyiramat. 11 Anū inūh sabab Tapa pait ka ngara kuasa adi kinanyap isa ngara sabah di kayuh adi dūh sawū.

Matthew 13:18-23 “Dingah meh garang, ka birajar ani rati-i upama daya nabur bine. 19 Ngara adi dingah agah pasar munki Tapa mritah pak dūh mirati-i agi keya ka bine adi rabu di aran. Siarap mandūg ka sirapas anū adi dog purun darūm ngara. 20 Bine adi rabu di tana pibatuh rati-i ngara adi rasu ngga sanang asūng-i trima agah anū kan ngara dingah-i. 21 Pak-i

düh mürüt türüp ka darüm ngara, ka ngara düh tan tui. Jadi kan pinyusah ngga pinyikisiis mandög sitagar agah anü, ngara jimü ka düh tia sabah dieh. 22 Bine adi rabu di ruang reja rati-i ngara adi dingah agah anü; pak pinyusah pasar pimudip di ong ati ngga pinyirindu di pinyikaya piaka agah anü, ka ngara düh buän. 23 Ka bine adi dog nabur di tana mandis rati-i ngara adi dingah agah anü ka mirati-i: ngara buän, kada-i mbüh siratus bagü-i, adi bükün nüm puru, ka adi bükün taruh puru.”

2 Corinth 3:15,16 Di jaman madin güh, tiap kari ngara basa Ukum-adat Moses, taüb anü babü matün pikir ngara. 16 Pak taüb anü bisa dog kadi, sak adi nang Surat-kudus pasar Moses: “Taüb-i dog kadi kan ayüh nura Tuhan.”

Isaiah 30:28 Ayüh pait sabak di jawin-l mun uba adi taban sopürüg kayuh ngga bu. Sabak anü pirabur bangsa bangsa ka pirüü atur kraja pingandai arap ngara.

Hosea 11:3-7 Pak Aku inüh adi ngajar Israel panu. Aku tambit puko daya Ku, pak ngara düh ngaku Aku adi sita ngara. 4 Aku nyindük ngara ngga pinyirindu ka masi. Aku tunduk ngara ka sium ngara; Aku mutu ka nggen man di ngara. 5 “Ngara abah pari ka Aku, ngapüi ngara düh siün düh pari ka Egypt, ka Assyria re mritah ngara. 6 Perang re nyarab kupo kupo ngara ka nyirubuh tiban tiban-bäs kupo. Ngara re rabur sabab ngara ndai kayuh nanyam ka pinyiraan adüp ngara. 7 Ngara garis an bu so Aku. Ngara re bagan mite turung amai dog pijera darüm pimudip ngara, pak mating daya re pirupas ngara.

Pingandai 26:18 Kuu siün kuka batüh ngara isa ngara pari so karüm ka jawa, ka pari so kuasa Shetan di ka Tapa, isa ngara so ka pinyabah di Aku bisa dapüd pingapun dosa samün pinyirüü samah ngga bara daya adi Tapa mbüh mien.’

2 Timothy 2:24-26 Nimun urun Tuhan kuu düh siün bikaii. Kuu düh siün düh an mandis ngga daya; nimun gurü adi kana buang sabar, 25 kuu an duduh darüm kuu ngika ka ngajar daya adi matah kuu; amai sawü, nüüh düh puan kadü Tapa re nggen di ngara aran ngga marik pimudip ngara pari ka adüp-l ka natüng ajar adi sawü. 26 Ka ngara re ngubah adüp-i ka pirupas adüp-i so pirakap Siarap, adi ko nakap ngara da tunda pinyiraan adüp-i.

Pinandüng 3:17-19 17 Kuu nang, ‘Aku ati kaya ka mbüh udip sanang; aku biyün sopürüg kayuh adi aku biguna.’ Pak kuu düh puan munki masam payah ka susah-i kuu! Kuu sirata, sitagor, ka karak. 18 Sabab anü Aku pitayan kuu, miris mas so Aku, tigürü mas, ngga mu jadi kaya. Miris güh

piraka buda ngga kibarui adüp mu ka nutu adüp mu adi sitagor. Miris güh inyo ngga nginyo batüh mu, isa kuu bisa kiris tarun. 19 Aku nang ka ngukum sopürüg adi Aku rindu. Ndai meh pikir mu yün ngubah adüp mu ka düh tia bidosa.

- 2 Corinth 7:10 Amai atin mandam ngan anü adi so Tapa ngubah atin ngan da nütün ka aran pinyiramat; anü mating arap-i! Pak kambüi ong ati bada atin ngan mandam, ayüh bisa taban pinyikabüs.**
- 1 Raja 18:37 Nam aku, TUHAN, nam aku, isa bara daya ati puan nang Kaam, TUHAN inüh Tapa, ka Kaam inüh taban ngara ngga pari ka adüp Mai.”**
- 2 Corinth 4:4 Ngara düh sabah, sabab tapa adi arap di ong ati mbüh kinarüm pikir ngara. Ayüh matün ngara so kiris jawa adi nyekar di tunduh ngara, jawa adi mandög so Agah Kana pasar bragah Kristus adi tigürü gayün Tapa.**
- Luke 8:11-15 “Ati inüh rati upama anü: bine inüh pinganang Tapa. 12 Bine adi rabu di aran, rati-i ngara adi dingah; pak Siarap mandög ka tambit agah anü so atin ngara ngga bada ngara düh sabah ka düh dog nyiramat. 13 Bine adi rabu di tarun pibatuh, rati-i ngara adi dingah agah anü ka kambat-i ngga gaün. Pak düh-i mürüt türüp darüm atin ngara; ngara sabah nyitiro adü ka kan pinyisuba mandög, ngara düh tia sabah agah anü. 14 Bine adi rabu di ruang reja, rati-i ngara adi dingah; pak susah pasar pimudip buang gruwün pinyikaya samün udip sanang di ong mbüh bada ngara aka. Tung ngara buwa bün masak. 15 Bine adi rabu di tana adi mandis, rati-i ngara adi dingah agah anü ka nyikün-i darüm atin adi kana ka nundok; ngara bijijü ndög ka ngara buän buwa.”**
- Pingandai 15:11 Düh-i patut simүнү; ata sabah ka dog nyiramat da pinyirasi-mandis Tuhan Jesus, ka simүнү güh ngara.”**
- Rome 8:13 Amai kambüi angän udip nunda ka pinyiraan tibiati manusia, angän re kabüs; pak kambüi ngga Roh Kudus angän siü pingandai ngan adi bidosa, angän re udip.**

**Pastor T. John Franklin
Church of Salvation, Healing, and Deliverance
COS-HAD.org**